

REGIONAL NEWS**AMIT SHAH**

Union Home Minister Amit Shah chuan Aizawl a zan khat a riah hnu-in vawiin chawhma dar 11 pelhah khan Lengpui tumhmun atangin Guwahati a pan leh a ni.

Official-te hnen atanga thu dawn danin Amit Shah hi nimina Aizawla hun a hman zawa Guwahati pan leh nghal tura ruahman a nih lai-in tlai ni tlak hnu a chhuah kha a remchang lova an hriat avangin Aizawl Raj Bhavan-ah a riak ta a. Tukin khan Raj Bhavan atanga Thuampui helipad panin heta tang hian helicopter-in Lengpui tumhmun a pan a. Lengpui atang hian Guwahati lamah a thlawk thla leh a. Tunlai hian Assam a tlawh mek a. Vawiin tlai hian hmarchhak chief minister-te nen Guwahati-a Hotel Radisson Blue a kum 2023 a criminal law siamthar 3 chungchanga an inhmuhkhawm hnu-ah dar 7 leh minute 55-ah Guwahati airport atangin BSF thlawnha-in Delhi a pan dawn a ni.

Puan tawh angin Amit Shah hian nimina Aizawla Assam Rifles sawnchuahna atana Aizawl a Assam Rifles ram Mizoram sorkar hnena hlanna inkhawm a rawn hmang a. Hei bakah hian Raj Bhavan-ah NGO Coordination Committee leh Central YMA hruitute'n a hranga hmu-in Myanmar ramri a inkalpawhna zalen taka kalpui thin tihtawp chungchangte, Airports Authority of India (AAI) kuta Lengpui tumhmun hlan chungchangte, Myanmar, Bangladesh leh Manipur atanga Mizorama rawn raltnante tanpuina chungchangte Mizo tawng Constitution eight schedule-a dah dilna leh thil hrang hrang an lo sawipui bawk a ni.

<><><>

AMIT SHAH

Union Home Minister Amit Shah chuan Aizawl a zan khat a riah hnu-in vawiin chawhma dar 11 pelhah khan Lengpui tumhmun atangin Guwahati a pan leh a ni.

Official-te hnen atanga thu dawn danin Amit Shah hi nimina Aizawla hun a hman zawa Guwahati pan leh nghal tura ruahman a nih lai-in tlai ni tlak hnu a chhuah kha a remchang lova an hriat avangin Aizawl Raj Bhavan-ah a riak ta a. Tukin khan Raj Bhavan atanga Thuampui helipad panin heta tang hian helicopter-in Lengpui tumhmun a pan a. Lengpui atang hian Guwahati lamah a thlawk thla leh a. Tunlai hian Assam a tlawh mek a. Vawiin tlai hian hmarchhak chief minister-te nen Guwahati-a Hotel Radisson Blue a kum 2023 a criminal law siamthar 3 chungchanga an inhmuhkhawm hnu-ah dar 7 leh minute 55-ah Guwahati airport atangin BSF thlawnha-in Delhi a pan dawn a ni.

Puan tawh angin Amit Shah hian nimina Aizawla Assam Rifles sawnchuahna atana Aizawl a Assam Rifles ram Mizoram sorkar hnena hlanna inkhawm a rawn hmang a. Hei bakah hian Raj Bhavan-ah NGO Coordination Committee leh Central YMA hruitute'n a hranga hmu-in Myanmar ramri a inkalpawhna zalen taka kalpui thin tihtawp chungchangte, Airports Authority of India (AAI) kuta Lengpui tumhmun hlan chungchangte, Myanmar, Bangladesh leh Manipur atanga Mizorama rawn raltnante tanpuina chungchangte Mizo tawng Constitution eight schedule-a dah dilna leh thil hrang hrang an lo sawipui bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.

<><><>

MYANMAR REFUGEES

Champhai District-a Farkawn khua a tlawmngai pawl hrang hrang hruaitute, nimina thukhawm chuan Farkawn khaw chhunga raltnanin dawr an neih an khap.

Farkawn VC kaihruaina hnuiaia pawl hrang hrang rorel inkhawm Farkawn khaw chhunga raltnanin dawr nei mekte chu May ni 31 ral hmangei a an bungruate tiral vek turin thuchhuah an siam a. Farkawn VCP Pu R.Lawmzuala hnen atanga thu dawn danin Farkawn khaw chhunga raltnanin dawr leh bungruate hi mipui te'n kharchhawn leh khulsak phal a ni lova, an mahni-in a tihral dan an ngaihtuah ang an tih bakah Raltnanin lut leh chhuak tur reng rengin mahni thu a lut leh chhuak lovin Village Level Committee on Myanmar Refugees (VLCMR) -ah in report zel tur a ni an ti bawk.

He tih lai hian he huna kalkhawmte hian Farkawn khaw kianga Lurh tlangah ramngaw leh nungchate humhalhna atan Vavu Sanctuary siam tum a nih thu an tarlang a. Lurh tlang leh a chhehvel ramah Silai kenga ramvah khap tlat a ni a, Thingro pawh lak khap a ni. Vavu Sanctuary atana Lurh Tlang ram an dah chu hun lo kal zel turah pawh sorkar leh department kuta hlan phal a ni loveng an ti bawk.

<><><>

PRASAR BHARATI HONORED

Hockey tihhmasawn leh chawi lar nana thawk tha, Prasar Bharati hnenah Hockey India Jaman Lal Sharma chawimawina hlan a ni. Hockey India Annual Awards 2024 vawi 7-na puala New Delhi-a inkhawm buatsaihah chawimawina chi hrang hrang sem chhuah a ni a, kum 2024 hockey player of the year-ah hmeichhia-ah Suvita Punia, mipaah Harmanpreet Singh-a te thlan an ni a, kum 1975-a World Cup-a champion team hnenah Hockey India Major Dhyan Chand Lifetime Achievement Award leh pawisafai cheng nuai 50 hlan a ni.

<><><>